



KOMUNIKADO PA PRENSA

Fecha

1/10/2014

Manager di Komunikashon

Jhanirha Da Costa Gomez-Anita

Adrès elektróniko

jhanirha.anita@gobiernu.cw

MINISTER BALBORDA HUNTU KU DOMEINBEHEER TA DESAROYÁ 12 PARSELA PA ESTABLESÉ NEGOSHINAN DEN ÁREA DI SAPATÉ

Willemstad – Minister Albordá di Ministerio di Tráfiko, Transporte i Planifikashon Urbano huntu ku Domeinbeheer a desaroyá un total di 12 parsela pa negoshi na Sapaté. E entrega ofisial di e proyekto a tuma lugá awe 1 di òktober 2014.

Meta di e proyekto aki ta pa stimulá desaroyo ekonómiko, spesífikamente empresanan chikí. E tipo di negoshinan ku ta bini den e proyekto aki ta, entre otro un kompania di konstrukshon, un kompania di distribushon, un fábrika di muebel, kompania di hür ekipo, i un kompania di tour, 2 lugá pa drecha outo, un magazijn pa warda kos ets.

Trabounan a kosta un total di 1.4 mion florin. Domeinbeheer a kordiná e proyekto huntu ku ekspertonan di Servisio pa Planifikashon Urbano (ROP) i Servisio pa Obra Públiko (OW). Kontratista MNO-Vervat N.V. a ehekutá e trabounan di infrastruktura.

E proyekto aki ta musta e modelo ku Minister Albordá i Domeinbeheer ta usa pa kumpli ku e demanda ku tin bou di nos empresarionan pa tereno komersial i industrial.

Tin un plan maestro pa desaroyo pa e área di Sapaté ku aktualmente ta den ehekushon. E 3 fase nan ku ta andando aworakí ta:

- Sapaté Fase 1. Esaki ta kasnan den desaroyo
- Sapaté Fase 2. Esaki ta parselanan pa uso industrial i komersial, loke ta tuma lugá awe.
- Sapaté Fase 3. Esaki ta preparashon di parselanan pa konstrukshon.

Sapaté Fase 2, ku ta e parti industrial, entretantu ta kla i pronto lo pasa e aktanan di erfpacht. Di e forma aki, e empresarionan por kuminsá lanta nan negoshi i asina duna mas hende oportunitat di trabou kual lo ta un empuhe den nos ekonomia.

Minister Albordá huntu Domeinbeheer ta trahando riba un maneho nobo i transparente pa atendé ku parselanan komersial i industrial. Den futuro serkano, lo presentá e maneho nobo aki kaminda ta bai desaroyá mas parsela ku destinashon industrial i komersial.